

ratoris Javi mater vixisse scribitur. ad Hiung mons Tahung, è quo inter saxorum angustias limpidissimus fons emanat. Ye adjacet mons Lungcie, in quo draconis apparet vestigium. ibi difficilis per montes via est præstructo munimento, per hanc ad Thaitung usque urbem patet iter. & haud procul Tunglo vallis est altissimis montium verticibus clausa; ad quam per arctissimam eamque unicam semitam iter aperitur, belli tempore propter securitatem expetita & à pluribus frequentata.

Flumina. Kiutho fluvius Tunglo civitatem alluit, oritur in provincia Xansi ad partem Australem montium Cinhi, inde Heuping civitatem pertransiens hanc subit provinciam, ac totam fere præterfluit versus ortum, ad Tien-cin munimentum mari se immergit.

Ad Australem urbis partem Lienhoa lacus est exiguus, at amœnissimus, floribus ejusdem nominis inclutus, quibus civibus suis atque accolis delicias præbet, crebrisque conviviis celebratur. flores hosce describo alibi opportuniore loco. lacus fossæ urbis vicinus est.

IN amnis ex Ye montibus ortum ducit: inde profluens à Borea in occasum urbem circumdat, suisque gyris insulam Pehoa efformat.

Tertia Urbs

H O K I E N.

Antiqua nomina. **H**Okien urbi nomen (quod inter flumina sonat) res ipsa dedit: quippe hujus urbis territorium à variis fluminibus ad Insulæ modum cingitur. cum olim sub Cheva familia Tungyam, sub Hana vero Poihai vocaretur, Tanga familia Ingcheu, & Sunga Inghai vocari voluit. sub Yvo ad Provinciam Kiche pertinuit. Regum tempore variam nactum est sortem modo sub Ci Rege, modo sub Chao, modo sub Jen fuit. terra hic pinguis est & argillosa. usque ad mare orientale protenditur, ubi latissimi sunt campi, in quibus sal ex aqua marina concrevit. Montes paucos eosque parvos includit. piscosæ sunt aquæ, & optimorum Cancrorum feraces. quatuor heroibus dicata sunt templa nobiliora. duodeviginti habet civitates, 1 Hokien, 2 Hien, 3 Heuching, 4 Soning, 5 Ginkieu, 6 Kiäo-ho, 7 Cing, 8 Hingci, 9 Cinghai, 10 Ningcin, 11 Kingo, 12 Ukiao, 13 Tungquang, 14 Kuching, 15 Cang, 16 Nampi, 17 Jenxan, 18 Kingyun.

Civitates.

Unus hic tantummodo mons notatu dignus ad civitatem Cing, cujus vertex in longam latamque diffusus planitiem laudatur à pinguißima adeoque maxime fertili gleba, in quo & pagum obtinet. mons ipse Si dicitur.

Ad Hien civitatem profundissimus lacus est Vo dictus, cujus aqua injecto lapide tota ut sanguis rubescit: si folia vicinarum arborum incidant, quam mox hirundines evolant, adeo ut folia ipsa in aves mutari videantur, uti narrant de anatibus Hibernicis, fides tamen sit penes Sinas.

Mons nobiliss.

Mirabilis naturalis lacus.

Quarta Urbs

C H I N T I N G.

Chinting urbs magna ac frequens ingens regit territorium, in quo duæ supra triginta civitates, ad Boream Heng montibus, ad Austrum Hutho fluvio clauditur. civitates sunt 1 Chinting, 2 Cingking, 3 Hoëlo, 4 Lingxeu, 5 Khoching, 6 Loching, 7 Vukie, 8 Pingxan, 9 Heuping, 10 Ting, 11 Sinlo, 12 Kioyang, 13 Hintang, 14 Ki, 15 Nancung, 16 Sinh, 17 Caokiang, 18 Vuye, 19 Cyn, 20 Ganping, 21 Jaoyang, 22 Vukiang, 23 Chao, 24 Pehiang, 25 Lungping, 26 Caoye, 27 Linching, 28 Can Hoang, 29 Ningcin, 30 Xin, 31 Hengxui, 32 Yuenxi. In Yvi divisione fuit hæc regio provinciæ Kicheu, sub dominio constellationum Mao & Pi. Cheva familia Pingcheu, Hana vero Hengxan dixit, Tanga familia Hengcheu, hodiernum nomen à Taiminga habet stirpe. quod hic rarum visitur, est, qua orientem solem spectat urbs, ingens ac magnificum templum idolis dicatum, cujus partem posteriorem magna occupat aula in novem divisa coenacula. ad quinque contignationes assurgit, easque triginta & centum cubitis altas. in adyto interiori statua augusta & ingens magnoque elaborata artificio (Quonin Idolum vocant) muliebri virginis figura ad tres supra septuaginta ascendit cubitos. fano ipsi nomen Lungching. habet & alia heroibus sacra loca, præcipua inter ea quinque sunt, ex quibus unum auctori Hanæ familiæ adscriptum.

Civitates.

Antiqua nomina.

Celebre Idolum.

Haud ita procul à Cingking civitate visendus est mons altissimus Cangnien, qui vertice nubes ipsas superat, in eo fons medicus, ac saluberrimus, ædificatumque à regina Xayanga superbissimum idolorum

Montes nobiles.